

Evening Dogri (NSD) Bulletin 13-09-2024

आकाशवाणी

खास खास खबरां

- 1 नमीं दिल्ली च अखिल भारतीय राज भाषा सम्मेलन कल शुरू होग।
- 2 सुप्रीम कोर्ट नै दिल्ली दे मुखमंत्रि अरविंद केंजरीवाल होरें गी कथित आबकारी नीति घोटाले च जमानत देई दित्ती ऐ।
- 3 राष्ट्रीय जांच अजेंसी नै कनाडा च भारतीय उच्चायोग उप्पर खालिस्तान समर्थकें दे कथित हमले दी जांच दे सिलसिले च पंजाब च केई थाहरें पर छापेमारी कीती।
- 4 प्रधानमंत्री नरेन्द्र मोदी होरें पैरालंपिक्स खेड्डें च भारत दी नुमायंदगी करने आलें खडारिएं कन्नै गल्लबात कीती ते उनेंगी ममारखां बी दित्तियां।
- 5 नेपाल च सुदूर पच्छिम च भीमदत्ता जरनैली शिड़क उप्पर लास पस्सियां पौने करी बंद होई गेइयां।



Amit Shah

कल नमीं दिल्ली च भारत मंडपम च चौथा अखिल भारतीय राज्य भाषा सम्मेलन दा आयोजन कीता जाग। इस मौके गृहमंत्रि अमित शाह होर हिरक जयंति विशेष अंक दा उद्घाटन करगंन। मीडिया गी संबोधत करदे होई अधिकारिक भाषाएं दे विभाग दियां सचिव अंशूली आर्य होरें आखेआ जे इस हीरक जयंति गी यादगार बनाने लेई इक यादगारी डोक टिकट ते इक यादगारी सिक्का बी जारी करोग। कार्यक्रम दरान गृह मंत्रालय दे अधिकारिक भाषा विभाग तैहत भारतीय भाषा डिवीजन दा बी उद्घाटन कीता जाग। उनें आखेआ जे इस डिवीजन तैहत विभाग

गी दूइएँ भारतीय भाषाएँ च थ्होए दे पत्रें दा अनुवाद कीता जाग। कार्यक्रम दरान केइएँ कताबें ते मैगजीनें गी बी जारी करोग।



Supreme Court

सुप्रीम कोर्ट नै अज्ज नमीं दिल्ली दे मुखमंत्री ते आम आदमी पार्टी दे राष्ट्रीय संयोजक अरविंद केजरीवाल गी कथित आबकारी नीति घोटाले च केन्द्रीय जांच ब्यूरो आस्सेआ दर्ज भ्रष्टाचार दे मामले च जमानत देई दित्ती ऐ। उनेंगी इस मामले च 26 जून गी गिरफ्तार कीता गेआ हा। मुखमंत्री गी 10 लक्ख रपे दे निजी मुचलके पर जमानत दित्ती गेई उे। शीर्ष अदालत नै उंदी जमानत उप्पर रिहाई लेई किश शर्ते लांदे होई आचोआ जे केजरीवाल होर कथित घोटाले कन्ने जुड़े दे मामले पर सार्वजनिक रूपे नै कोई टिप्पणी नेई करी सकगंन। उनें ट्रायल कोर्ट दे अगो सब्बै सुनवाइएँ दरान मजूद रौहना होग जदूं तोड़ी इस बारे च कोई दूट नेई मिली जंदी। न्यायधीश सूर्याकांत ते न्यायधीश उज्जल भूयान हुंदी दऊं जजें दी पीठ नै दिल्ली दे मुखमंत्री हुंदे आस्सेआ उंदी गिरफ्तारी गी चुनौती उप्पर दायर याचिका ताई सुनवाई कीती ऐ। 11 सितम्बर गी दिल्ली दी इक अदालत नै शराब नीति घोटाले दे मामले च मुखमंत्री दी न्यायिक हिरासत दी मियाद इस म्हीने दी 25 तरीक तोड़ी बधाई दित्ती ही। ईडी नै केजरीवाल होरें गी कथित आबकारी नीति घोटाले कन्ने जुड़े दे काल धन गी जायज बनाने सरबंधी मामले च इस बरे 21 मार्च गी गिरफ्तार कीता हा। उनें इस मामले च सुप्रीम कोर्ट नै 12 जुलाई गी जमानत देई दित्ती ही।



DRDO Missile

भारत नै वर्टिकल लांच शार्ट रेंज सतह थमां हवा च मार करने आली मिसाइल सफल परीक्षण कीता ऐ। एहदा परीक्षण ओडिशा दे चांदीपुर च एकीकृत परीक्षण

रेंज थमां लगातार दुए रोज कीता गेआ। रक्षा अनुसंधान ते विकास संगठन डीआरडीओ नै इक बयानै च आखेआ ऐ जे 12 ते 13 सितम्बर गी सफल परीक्षण कीते गे न। रक्षा मंत्री राजनाथ सिंह होरें इस मिसाइल दे सफल परीक्षण अपने रक्षा अनुसंधान ते विकास संगठन डीआरडीओ, भारतीय नौसेना ते सारे सरबंधी धड़ें दी सराहना कीती ऐ। एह मिसाइल भलेआ अज्जै कल्लै दी आधुनिक तकनालोजी कन्नै लैस ऐ, एहदे कन्नै सशस्त्र बलें गी होर बल थहोग। मिसाइल दा इक मगरा इक परीक्षण कीता गेआ। दूआ परीक्षण ओडिशा दे चांदीपुर एकीकृत परीक्षण रेंज मिां कीता गेआ। मंत्रालय नै दस्सेआ ऐ जे मिसाइल नै उच्च गति आले हवाई लक्ष्यें गी मात दितती जेहदे राएं एहदी मारक क्षमता दा पता लगदा ऐ।

<><><><><><>

NIA Research

राष्ट्रीय जांच अजेंसी नै कनाडा च भारतीय उच्चायोग उप्पर खालिस्तान समर्थकें दे कथित हमले दी जांच दे सिलसिले च अज्ज पंजाब च केइएं थाहरें पर छापेमारी कीती। इस दरान मोगा, अमृतसर, गुरदासपुर ते जलंधर च केई ठकाने दी तपाशी कीती गई। जांच अजेंसी नै पिछले बरे ओटावा च भारतीय उच्चायोग दे बाहर खालिस्तानी समर्थकें दे बरोध प्रदर्शन पर मामला दर्ज कीता हा।

<><><><><><>

PM Modi

प्रधानमंत्री नरेन्द्र मोदी पैरिस हाल च गै खत्म होए दे पैरालंपिक्स खेड्डें च भारत दी नुमायंदगी करने आले खडारिएं कन्नै गल्लबात कीती। मोदी होरें तगमे जित्तने आले खडारिएं ते होरने प्रतिभागिएं गी इक कार्यक्रम च उंदे उत्कृष्ट प्रदर्शन लेई ममारखां दित्तियां। उनें आखेआ जे जीवन दे प्रति पैरालंपिक्स खडारिएं दा नजरिया हर कुसै लेई प्रेरणा ऐ। सुन्ने दा तगमा जित्तने आले सुमित अंतिल होरें

अपने इक सुन्ने दा तगमा प्रधानमंत्री होरें गी समर्पित कीता। चांदी दा तगमा जित्तने आले शरद कुमार होरें खडारिं गी प्रधानमंत्री हुंदे आस्सेआ थोए दे प्रोत्साहन लेई उंदा आभार व्यक्त कीता। होरने खडारिं बी प्रधानमंत्री थमां थोए दे प्रोत्साहन उपपर आखेआ जे मकाबले दी कठन घडिं च उंदे प्रेरणा आले शब्द दिल बधाने आले होंदे न।



e-Buses

भारी उद्योगों ते स्टील सरबंधी केन्द्रीय मंत्री एच.पी.कुमारस्वामी होरें आखेआ ऐ जे हाल च गै मंजूर प्रधानमंत्री ई-बस सेना ते अदायगी सुरक्षा सरबंधी सरिस्तें आली योजना तैहत माली ब४रे 2024-25 थमां माली ब'रे 2028-29 तगर 38 जहार थमां मतियां इलैक्ट्रिक बसां चलाइयां जांगन। कुमारस्वामी होरें संवाददाताएं गी एह जानकारी दित्ती जे प्रधानमंत्री नरेन्द्र मोदी हुंदी अध्यक्षता च केन्द्रीय मंत्रिमंडल नै सार्वजनिक परिवहन प्राधीकरण आस्सेआ ई-बसें दी खरीद ते संचालन गी मंजूरी दित्ती ही।



Semicon India

ग्रेटर नोयडा दे इंडियन एक्सपो सेंटर एंड मार्ट च आयोजित सैमीकॉन इंडिया 2024 दा अज्ज खीरी ध्याड़ा ऐ। त्रऊं दिनें तोड़ी चलने आले इस सम्मेलन दा उद्घाटन बुधवार गी प्रधानमंत्री नरेन्द्र मोदी होरें कीता हा। आकाशवाणी कन्नै गल्लबात च सैमीकॉन दे मुख् कारजकारी अधिकारी अजीत मनोचा होरें आखेआ जे सैमीकॉन इंडिया कुसै बी देसै च आयोजित सब्बने सफल ते सब्बने शा बड्डा आयोजन ऐ। उनें आखेआ जे सैमीकंडक्टर उद्योग कन्ने जुड़दे 100 शा मते प्रतिनिधिं एहदे च हिस्सा लैता। सिंगापुर दी कंपनी कोह-यंग टैक्नालोजी दे अफसर थॉमस लाउ होरें आखेआ जे सैमीकॉन इंडिया राएं उनेंगी बड़ा मता लाह

होआ। एसीईएस दे विक्रांत गुप्ता होरें आखेआ जे हुन सैमीकॉन इंडिया जनेई आयोजनें राएं सैमीकंडक्टरें दे निर्माण दा इक नमीं इको-प्रणाली विकसित होआ'रदी ऐ जेहड़ी जे सब्बने लेई लाहकारी ऐ।

<><><><><><>

Dr. Jatinder Singh

केन्द्रीय मंत्री डॉ. जितेन्द्र सिंह होरें विशेष स्वच्छता अभियान दी प्रगति दी निगरानी लेई वैब पोर्टल दी शुरूआत कराई। इस विशेष अभियानद ा मकसद केन्द्र सरकार दे सब्बै दफतरें च स्वच्छता अभियान चलाना ऐ। सरकार नै हर ब'रे 2 शा 31 अक्तूबर तोड़ी स्वच्छता अभियान चलाने दा फैसला लैता ऐ।

<><><><><><>

Nepal

नेपाल दे बक्ख-बक्ख जिलें दिएं केई थाहरें पर रूकी रूकी बरखें करी लास पस्सियां पौने करी भीमदता जरनैली शिड़कै ते डाक्टर के.आई.सिंह जरनैली शिड़क बंद होई गई ऐ। लास पस्सियें करी सुरूर-पच्छम खित्ते च केई ग्रामीण इलाकें गी जोड़ने आली सारियां शिड़कां बंद होई गेइयां न। नेपाल दे मौसम विभाग मताबक इसलै गंडाकी, लुम्बिनी, करनाली ते सुरूर पच्छम खित्ते च अददे दुबे ते पूरी चाल्ली बद्दल घनोए दे रौहने ते बाकी दे नेपाल च अददे दुबे दे बद्दल होने दी पेशगोई कीती गई ऐ।

<><><><><><>

FSSAI Instruction

भारतीय खाद्य सुरक्षा ते मानक प्राप्तीकरण नै सारे राज्यें ते केन्द्र शासत प्रदेशों गी ध्यारें दरान मलावटी मठेयाई ते दुध कन्नै बनने आली चीजें गी बनाने ते बेचने आले उप्पर कड़ी तक्क रक्खने दा आदेश दित्ता ऐ। एफएसएसएआई नै आखेआ

ऐ जे ध्यारें दरान मलावट गी रोकने लेई समें-समें उप्पर उंदी जांच कीती जानी लोड़चदी। की जे ध्यारें दरान मठेयाई लेई दुध ते दुध कन्नै बनने आली चीजें जियां घ्यो, खोआ, पनीर दी मंग बधी जंदी ऐ। एफएसएसएआई नै सुझाह दित्ता ऐ जे जित्थ खाद्य उत्पादें दी गुणवत्ता ते सुरक्षा जांच लेई फूड सेफ्टी ऑन व्हीलस वैन उपलब्ध ऐ। उनें प्रमुख बजारें ते दुए सार्वजनिक थाहरें उप्पर तैनात कीता जाना लोड़चदा ऐ।

<><><><><><>

Secutiny Nominations

जम्मू कश्मीर च होने आले विधानसभा चुनाएं दे त्रीए गेड़ लेई भरे गेदे नामांकन पत्रें दी जांच अज्ज होआ'रदी ऐ। नामांकन भरने दा कल खीरला दिन हा। त्रीए ते खीरले गेड़ लेई 4 सौ 83 मेदवारें नामांकन भरेआ। मेदवार जेकर चाहन तां 17 सितम्बर तगर अपना नामांकन वापस लेई सकदे न। पैहली अक्तूबर गी त्रीए गेड़ तैहत् 40 विधानसभा हल्कें च मतदान होग। पैहले गेड़ तैहत् 18 सितम्बर गी ते दुए गेड़ तैहत् 25 सितम्बर गी वोट पाने जाने न। वोटें दी गिनतरी आला कम्म 8 अक्तूबर गी होग। हरियाणा च बी इकले गेड़े व होने जा'रदे विधानसभा चुनां लेई नामजदगी दे कागज पत्रें दी जांच अज्ज होआ'रदी ऐ। हरियाणा च नामजदगी भरने दी खीरी तरीक कल होई गई। हरियाणा च इस म्हीने दी 16 तरीक तगर नामजदगी वापस परताने दा समा ऐ। 90 मिंबरें राज्य विधानसभा च 5 अक्तूबर गी वोट पोआ जांगन। वोटें दी गिनतरी अगले म्हीने दी 8 तरीक गी होग।

<><><><><><>

Bangladesh

बंग्लादेश च वीरवारें चिरें रातीं ते शक्रवारें बडलै काक्स बजार जिले च लास पस्सियां पौने करी 6 लोकें दी मरोने दी खबर ऐ। इनें 6एं चा त्रै इक्के परोआर दे जने हे जेह्ड़े जे पस्सिणं गी जद च आई गे। बुधवारें शा काक्स बजार च

बरखा होआ'रदी ऐ जिस करी कोई 50 ग्रएं च पानी जमा होई गेआ ऐ। केई सारी हट्टिएं च बी पानी आई चुके दा ऐ।

<><><><><><>